



# Synfocity = 563

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

19<sup>th</sup> November, 2015

## □ Synod Finance Committee vawi-115 na a thu

Mizoram Presbyterian Church Synod Finance Committee vawi 115-na, ni thum chhung awh tur chu November 17, 2015 (Thawhlehi) atang khan JM Lloyd Hall, Synod Office-ah an thukhawm a. Committee hian vawiin (Nov. 19, 2015) thleng a awh ang.

Synod Finance Committee hi Moderator Rev. Lalrinmawian a kaihrui a, hming lamna neih zawhah Finance Committee leh Finance Officer Report ngaihthlak a ni. Synod Finance Officer, Synod Finance Committee Secretary ni bawk Rev. Lalramliana Pachuau in report a pek danin, kumin chhungin Bial leh Kohhran mal sawm angin Pastor Bial 12-ah Finance Campaign neih a ni a, Pastor Bial 7 ah leh Kohhran mal 4 ah Synod Sum Vawn Dan Training neihpui a ni.

April, 2015 atanga October, 2015 chhunga Synod sum dinhmun chu Pastoral-ah Rs. 45,69,04,162/- (Cheng nuai sangli zanga sawmruk pakua leh sangli za sawmruk pahnih) hmuh tawh a ni a, hei hi za zela 49.91 a ni a, Mission-ah Rs. 36,91,47,221/- (Cheng nuai sangthum zaruk sawmkua pakhat singli sangsarih zahnih sawmhni leh pakhat) hmuh tawh a ni a, hei hi za zela 50.44 a ni. Pastoral leh Mission Budget belhkhawm chu Rs. 82,60,51,383/- (Cheng nuai sangriat zahnih sawmruk singnga sangkhat zathum sawmriat leh pathum) a ni a, za zela 50.14 hmuh tawh a ni.

Tun tum Synod Finance Committee-ah hian member 55 zinga 47 an tel thei a, thu ngaihtuah tur chhawpchuah (agenda) 13 a awm a. Kum 2015 -2016 kal meka sum indaih lohna - Additional budget dilna ngaihtuahin kum 2016 -2017 Synod Budget estimate an thirho bawk ang. Synod Finance Committee-in Synod Department hrang hrang leh Ramthar Field-te sum ruahmanna (Budget Estimate 2016 -2017) a endik hnuah Synod Executive Committee (SEC), December 3, 2015-a thukhawmin a thir nawn veleh ang a, Synod Inkhawmpuia pawm turin chhawp chuah a ni ang.

## □ Rb.H Kirloskar Hruaina Eng Quiz

Synod Information & Publicity (Synfo) buatsaih Rb.H Kirloskar Hruaina Eng Quiz rampum huap Kohhran Pavalai Pawl tana buatsaih First Round chu November 13, 2015 khan zawh fel a ni a. Top 10 Round lut tur result puan a ni bawk. Top 10 lut tur hian mark hmu sang sang lak an ni a, mark hmu sang Kohhran 9 ten Top 10 Round hi an lut chiang a, heng bakah hian mark hmuh zat inang Kohhran 2 ten November 16, 2015 khan Writen Exam an nei leh a ni.

Top 10 Round a tlingte chu:

- |                              |                                  |
|------------------------------|----------------------------------|
| 1. Khatla East Kohhran       | 6. Dinthar Vengthlang Kohhran    |
| 2. Ramhlun Venglai Kohhran   | 7. Electric Veng Kohhran, Aizawl |
| 3. Chanmari West             | 8. Kolasib Diakkawn              |
| 4. Bethlehem Venglai Kohhran | 9. Tlangnuam                     |
| 5. Ramrikawn                 | 10. Sakawrtuichhun               |

Top 10 Round-a tling te hian naktuk (Nov. 20, 2015) zanah intihsiakna an nei lehngal ang.

Hetiang hi an intihsiak dan tur chu a ni ang:

Zan dar 7:30-ah Sakawrtuichhun, Khatla East, Ramhlun Venglai, Chanmari West, Kolasib Diakkawn te an inel ang a, dar 9:00 ah Bethlehem Venglai, Electric Veng, Ramrikawn, Tlangnuam, Dinthar Vengthlang ten inelna na nei leh ang. Top 10 Round-ah hian Galatia, Ephesi, leh Mizoram Presbyterian Kohhran, Presbyterian Handbook (Revised & Enlarged 2014) atangin in elna neih a ni ang.

Rb.H Kirloskar Hruaina Eng Quiz ti tha lawmman ah hian Pakhatnain Rs. 80,000/- Pahnihnain Rs. 50,000/- Pathumnain Rs. 30,000/- an dawng ang.

Quiz sponsor-tute chu Rb.H Kirloskar, MUP Building near Millenium Centre hman an ni a, co-sponsor atan Highland Chevrolet, Zemabawk an ni.

Rb.H Kirloskar Hruaina Eng Quiz hi show neih apiangin Hruaina Eng Channel (LPS & Zonet Cable TV) -ah Live in pekchuah thin a ni.

## □ PRESCOM

Vawiin (Nov. 19, 2015) zing dar 9:30 khan Synod Press khawl thar Cutting Machine chu Rev. Lalzuithanga, Senior Executive Secretary-in Pathian hnena hlanna a nei.

Hlanna inkhawm hi Upa R. Lalmalsawma, General Manager, PRESCOM-in a kaihrui a, Pu Lalhruaitluanga Ralte, Manager, Synod Press-in report a pe a ni.

Cutting Machine hi German Company Polygraph siam a ni a, a model hming chu SEYPA 115 a ni. Inches 50 a hlai lehkhapan a tan thei a, fully programmable khawl a ni. Lehkhabu emaw, lehkhapan pawh a tanrual dan tur a duan lawk vek theih a, Computerised khawl a nih avangin a sei zawng, a chhah zawng eng pawh kha tan hmain Computer-ah thun lawkin a chem hriam pui maiin a lehkhabu a han tan rik hmai zawhah a dawta tanrual leh tura duansaah khan a insiamrem nghal zel thei bawk a ni.

He khawl hi German Engineer thiamte siam zingah pawh an hman lar berte zinga mi a ni a. A man pawh hi India pawisa chuan cheng maktaduai 2 chuang a ni.

## □ Synod Relief Fund

Tun hnaia harsatna hrang hrang neite hnenah Synod Relief Fund atangin chhawmdawlina Manikbon kua mi pahnih(2) hnenah Rs. 8,000/- ve ve pek an ni.

## □ Zin

- ◆ November 21 & 22, 2015 chhung hian PCI Kolkata Church tlawh turin Rev. Lalzuithanga, Senior Executive Secretary a kal ang. Rev. Lalzuithanga hian Pathianni(Nov.22, 2015) inkhawmah Pathian thuchah a sawi ang.

- ◆ November 17, 2015 (Thawhlehi) khan KTP Gen. Conference, 2016 neihna tur Pandal sak mek enpuiin Champhaiah Pu Lalramenga Royte, JE Synod Office a kal.

## □ KTP

- ◆ November 20, 2015 (Zirtawpni) hian Hmunghak Branch KTP chuan Golden Jubilee lawmna hun an hman dawn a, hemi hun hmanpui tur hian Upa K. Rorelkima leh Pu P.C Biakmuanpuia te an kal ang.

- ◆ November 20, 2015 (Zirtawpni) hian Khawlailung Bialah Leadership Training neih a ni dawn a, hemi hun hmanpui tur hian T. Upa R. Lalramnghaka leh Pu Lalchhuanliana te an kal ang.

Contd...

- ◆ November 20 - 22, 2015 chung hian Khawzawl Vengthar Bialah Bial Meet cum Leadership Training neih a ni dawn a, hemi hun hmanpui tur hian Pu Ngurhminglana leh Pu Vanlalpeka te an kal ang.
- ◆ November 21 & 22, 2015 chung hian Hmunpui Branch KTP chuan Diamond Jubilee lawmna hun an hmang dawn a, hemi hun hmanpui tur hian T.Upa Lalthangvunga Sailo leh Pu K. Lalruatpua te an kal ang.
- ◆ November 21 & 22, 2015 hian PCI Kolkata Church tlawhin Rev. Lalzuithanga, Senior Executive Secretary leh Upa Zonunmawia, General Secretary leh Synod Choir te an kal ang. Rev. Lalzuithanga leh Upa Zonunmawia hian Pathian thuchah an sawi ang.
- **Mission Board**  
Synod Mission Board-in Contract Missionary a lak turah mi 450 chuangin dilna an thehlut a, November 21, 2015 (Inrinni) chawhma dar 11-ah PC Girls School, Mission Vengah Written Test an nei ang a, Written Test-a tling ten November 24, 2015 (Thawhlelni) zing dar 7-ah Synod Office-ah personal interview an nei ang.
- **Synod Bookroom**  
2016 atana Naupang Sunday School zirlaibu hengte hi peih fel a ni a, Bookroom Branch tinah mamawh tan lei theih a ni ta e.  
1. Beginner Zirlai Bu 1-na, Rev. Chauthuama ziah Rs. 55/- man  
2. Primary Zirlai Bu 2-na, Upa R. Lalmalsawma ziah Rs. 55/- man  
3. Junior Zirlai Bu 2-na, Upa Dr. R.L. Thanmawia ziah Rs. 60/- man  
4. Intermediate Zirlai Bu 1-na, Rev. Vanlalhlana ziah Rs. 70/- man  
5. Sacrament Zirlai, Rev. H. Zalawma & Rev. Vanlalzuata ziah Rs. 70/- man  
6. Senior Zirlai Bu 2-na, Rev. Rosiamliana Tochhawng ziah Rs. 70/- man  
7. Home Mission Sunday School Zirlaibu, Rev. H. Lalchhanhima ziah Rs. 70/- man  
8. Home Mission Nilai & Beihruah Thupui Upa Lalhriata ziah Rs. 60/- man
- **Kohhran Hmeichhia**  
Central Kohhran Hmeichhia chuan hmeichhe Rahbi tleu tanpui ngai Zemabawk Pastor Bial atangin mi 3, Aizawl Kohhran, Venghluh atangin mi 1, Vaivakawn Kohhran atangin mi 1, Sihphir Kohhran atangin mi 1 leh Bungkawn Pastor Bial atangin mi 1 te hnenah tanpuina pawisa Rs. 7,000/- theuh an pe.
- **MSSU**  
November 21 & 22, 2015 chung khian Phainuam Bialah Sunday School Zirtirtu Training neih a ni dawn a, hemi hun hmanpui tur hian Upa Lalthahluna Ralte, MSSU Asst. Coordinator leh Upa K Zoremsanga, Kulikawn (MSSU Trainer) te an kal ang a, zanah Pathian Biak inkhawmah hun an hmang baw ang.
- Hruaina Eng FM Radio & TV Programme
  - ◆ **NOVEMBER 20, 2015 (FM ZOAWI AIZAWL @ 7:30 P.M.):**  
**Solo** : Zorema Chhangte - Ni tin Isua, **Zaipawl** : Saron Veng Kohhran Zaipawl - Aw Lalpa, min lawmin, **Thusawi** : Rev. K Lalpianghara - Lal Isua lokal lehna, **Zaipawl** : Zonuam Pastor Bial Zaipawl - Damna ruah, **Solo** : Lalfakawma - Lo kal la
  - ◆ **NOVEMBER 20, 2015 (FM LUNGLEI @ 7:30 P.M.)**  
**Solo** : Zorema Chhangte - Ni tin Isua, **Zaipawl** : Saron Veng Kohhran Zaipawl - Aw Lalpa, min lawmin, **Thusawi** : Rev. K Lalpianghara - Lal Isua lokal lehna, **Zaipawl** : Zonuam Pastor Bial Zaipawl - Damna ruah, **Solo** : Lalfakawma - Lo kal la
  - ◆ **NOVEMBER 22, 2015 (Tv Programme) @ 3:00 p.m) :**  
**Weekly Round Up, Bihchianna** : Patna Mission Field
- **Susamachar Prasaran Programme**
  - ◆ **NOVEMBER 22, 2015 (Pathianni) 5:00 pm.:**  
**Group/Choir/Solo** : PC Lianhmingthanga - Sahara, **Group/Choir/Solo** : R. Lalruatfeli - Tu Wahi, **Sermon** : Rev B Zobiaktluanga - Jagat Ki Jyoti, **Group/Choir/Solo** : The Leprosy Mission Choir - Ham Soup Te He, **Group/Choir/Solo** : Siyon Swaram - Tere Charno
- **Moderator Programme**  
Synod Moderator Rev. Lalrinmawia chuan tunkar tawpah hetiang hian hun a hmang ang :
  - ◆ November 21, 2015 (Inrinni) Chhun - Bungkawn Vengthar Kohhran Biak In hawn
  - ◆ November 21, 2015 (Inrinni) Zan - Hmar Veng Kohhran, Kawnpui Bial
  - ◆ November 22, 2015 (Pathianni) Chawhma - Bualpui Kohhran, Kawnpui Bial
  - ◆ November 22, 2015 (Pathianni) Chawhnu - Kawnpui Chhim Veng Kohhran, Kawnpui Chhim Veng Bial
  - ◆ November 22, 2015 (Pathianni) Zan - Kawnpui Venglai Kohhran, Kawnpui Bial

### P.C GIRLS SCHOOL - CLASS 'A' ADMISSION

PC Girls' School-ah Class 'A' Admission November leh December thla chungin hawn a ni e. Monthly fee a awm lo. Admission fee Rs. 550

**Headmistress**  
**P.c Girls School, Mission Veng**

### ADVERTISEMENT

CWM hnuaiah heng a hnuaia post te hi a ruak a, November 25, 2015 (Nilaini) thleng dilna thehluh theih a ni e.

1. Deputy General Secretary for Finance & Administration
2. Deputy General Secretary (Mission Development)
3. Communications and Marketing Manager
4. Human Resources Advisor
5. Regional Mission Secretary - South Asia

Hrechiang duh tan <http://www.cwmission.org/8121-2> ah en theih a ni e.

Phone : 0364 - 2226828 / 2505655 / 2221127, Fax : 0364 - 2228166

E-mail : [pcishillong@gmail.com](mailto:pcishillong@gmail.com)

### HRIATTIRNA

Synod Multipurpose Training Centre-a Computer, Puanthui, Pheikhawk siam zir dilte Interview hun ni 26.11.2015 kha AMC inthlan anih avangin Ni 27.11.2015 (10:30a.m) ah sawn a ni e.

**Programme Director**  
**Synod Multipurpose Training Centre**

Synod Social Front Helpline: **9089777129**;

Tuai & Patil Helpline : **8729800130**;

Students' Helpline : **9856883377**

[www.MIZORAMSYNOD.ORG](http://www.MIZORAMSYNOD.ORG)

Synod Information & Publicity  
Phone - 2314648

Synfo